

**BOSNA I HERCEGOVINA
FEDERACIJA BOSNE I HERCEGOVINE
VLADA**

Prijedlog

**ZAKON O
IZMJENI ZAKONA O FINANCIJSKOJ KONSOLIDACIJI PRIVREDNIH DRUŠTAVA
U FEDERACIJI BOSNE I HERCEGOVINE**

Sarajevo, juni 2017. godine

Prijedlog za donošenje zakona po skraćenom postupku

Vlada Federacije Bosne i Hercegovine predlaže Parlamentu Federacije Bosne i Hercegovine da Zakon o izmjeni Zakona o finansijskoj konsolidaciji privrednih društava u Federaciji Bosne i Hercegovine, doneše po skraćenom postupku.

o b r a z l o ž e n j e

prijedloga za donošenje zakona po skraćenom postupku

Dosljednim praćenjem primjene Zakona o finansijskoj konsolidaciji privrednih društava u Federaciji Bosne i Hercegovine utvrđene su prepreke na realizaciji Odluka o finansijskoj konsolidaciji privrednih društava. Kako privredna društva kojima je odobren postupak finansijske konsolidacije neće moći u zakonskom roku okončati započete aktivnosti (**10.07.2017. godine**) predloženo zakonsko rješenje omogućava da privredna društva u **roku od još dvije godine, odnosno do 10.07.2019. godine riješe definisani problem**.

Obzirom da postoji opasnost od pokretanja sudskih postupaka od strane subjekata obuhvaćenih finansijskom konsolidacijom, to se u konkretnom slučaju radi o izmjenama Zakona za koje postoji neodložna potreba, a kako bi se izbjeglo nastajanje štetnih posljedica za Federaciju Bosne i Hercegovine.

Vlada Federacije Bosne i Hercegovine je stava da su ispunjeni uslovi iz poslovnika oba doma Parlamenta Federacije Bosne i Hercegovine da se ova izmjena Zakona razmatra po skraćenom postupku i predlaže da se o Prijedlogu zakona raspravlja po skraćenom postupku, bez nacrtu zakona.

ZAKON

**O IZMJENI ZAKONA O FINANSIJSKOJ KONSOLIDACIJI PRIVREDNIH
DRUŠTAVA U FEDERACIJI BOSNE I HERCEGOVINE**

Član 1.

U članu 8. stav 3., riječi: „tri godine“, zamjenjuju se riječima: „10.07.2019. godine“.

Član 2.

Ovaj zakon stupa na snagu narednog dana od dana objavljivanja u "Službenim novinama Federacije BiH".

O B R A Z L O Ž E N J E
**ZAKONA O IZMJENI ZAKONA O FINANSIJSKOJ KONSOLIDACIJI PRIVREDNIH
DRUŠTAVA U FEDERACIJI BOSNE I HERCEGOVINE**

PRAVNI OSNOV

Ustavni osnov za donošenje Zakona o izmjeni Zakona o finansijskoj konsolidaciji privrednih društava u Federaciji Bosne i Hercegovine sadržan je u odredbi tačke c) Amandmana VIII na Ustav Federacije Bosne i Hercegovine, prema kojoj je u isključivoj nadležnosti Federacije Bosne i Hercegovine utvrđivanje ekonomске politike, i članu IV A. 20 (1) d) Ustava Federacije Bosne i Hercegovine, prema kojoj je Parlament Federacije Bosne i Hercegovine odgovoran za donošenje zakona u vršenju funkcije Federalne vlasti.

RAZLOZI ZA DONOŠENJE ZAKONA

Planom rada Vlade Federacije Bosne i Hercegovine za 2017. godinu, čiji sastavni dio čini Plan rada Federalnog ministarstva energije, rudarstva i industrije za 2017. godinu u Strateškom cilju br. 3.-Unapređenje ambijenta za proizvodnju i povećanje stepena izvozne orientacije industrijske proizvodnje; Operativnom cilju 3.3: Priprema seta zakonskih i podzakonskih akata za osiguravanje održivog industrijskog razvoja; planirana je Aktivnost 3.3.1.- Izrada Prednacrta zakona o izmjenama i dopunama Zakona o finansijskoj konsolidaciji privrednih društava u Federaciji Bosne i Hercegovine.

Federalno ministarstvo energije, rudarstva i industrije ima resornu nadležnost u pogledu monitoringa i evaluacije Zakona o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH“, broj 52/14). U tom cilju je urađena Informacija o primjeni Zakona o finansijskoj konsolidaciji privrednih društava u Federaciji Bosne i Hercegovine, koju je Vlada Federacije Bosne i Hercegovine usvojila na 156. sjednici (Zaključak V.broj: 389/2015 od 18.03.2015. godine). U predmetnoj informaciji, u tački 7. su navedene Poteškoće u realizaciji Odluka o finansijskoj konsolidaciji, koje se prvenstveno odnose na način i rokove za sklapanje Sporazuma za izmirenje obaveza privrednih društava po osnovu doprinosa, poreza, dugovanja prema dobavljačima i zaposlenicima. Prvu Informaciju o primjeni Zakona o finansijskoj konsolidaciji privrednih društava u Federaciji Bosne i Hercegovine, Vlada Federacije Bosne i Hercegovine, usvojila je na 156. sjednici, održanoj 18.03.2015. godine. (Zaključak V.broj: 389/2015).

Drugu Informaciju o provođenju postupaka finansijske konsolidacije privrednih društava provedenih u skladu sa Zakonom o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH“, broj 52/14), Vlada Federacije Bosne i Hercegovine usvojila je na 55. sjednici, održanoj 27.05.2016. godine. (Zaključak V.broj: 1139/2016).

Treću Informaciju o provođenju postupaka finansijske konsolidacije privrednih društava provedenih u skladu sa Zakonom o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH“, broj

52/14), Vlada Federacije Bosne i Hercegovine usvojila je na 107. sjednici, održanoj 22.06.2017. godine.

Prijedlog Zakona o izmjeni Zakona o finansijskoj konsolidaciji privrednih društava u Federaciji Bosne i Hercegovine ima za cilj da se otklone prepreke na realizaciji Odluka o finansijskoj konsolidaciji privrednih društava. Kako privredna društva kojima je odobren postupak finansijske konsolidacije neće moći u zakonskom roku okončati započete aktivnosti **(10.07.2017. godine)** predloženo zakonsko rješenje omogućava da privredna društva u roku od još dvije godine, odnosno do **10.07.2019. godine** riješe definisani problem.

Prijedlog Zakona o izmjeni Zakona o finansijskoj konsolidaciji privrednih društava u Federaciji Bosne i Hercegovine ima 2 člana.

Članom 1., definisano je da postupak finansijske konsolidacije ne može trajati duže od 10.07.2019. godine.

U članu 2. propisano da ovaj zakon stupa na snagu narednog dana od dana objavljivanja u "Službenim novinama Federacije BiH".

FINANSIJSKA SREDSTVA

Za sprovođenje ovog Zakona nije potrebno obezbjediti posebna sredstva u Budžetu Federacije Bosne i Hercegovine.

ODREDBA ZAKONA KOJA SE MIJENJA

Predlaže se da se **važeća odredba člana 8.** Zakona o finansijskoj konsolidaciji privrednih društava u Federaciji Bosne i Hercegovine, koja glasi:

- (1) Odluku o finansijskoj konsolidaciji društva sa većinskim učešćem državnog kapitala (u dalnjem tekstu: odluka) donosi Vlada Federacije Bosne i Hercegovine, vlada kantona, gradsko ili općinsko vijeće u roku 30 dana od dana dostavljanja zahtjeva iz člana 7. ovog zakona.
- (2) Za donošenje odluke iz stava 1. ovog člana u svakom pojedinom slučaju nadležan je nivo vlasti koji u privrednom društvu koje se konsoliduje vrši ovlaštenja na osnovu učešćadržavnog kapitala (u dalnjem tekstu: nadležni organ vlasti).
- (3) Odlukom iz stava 1. ovog člana bliže se uređuje postupak i vrijeme trajanja finansijske konsolidacije za svako pojedino društvo sa većinskim učešćem državnog kapitala, s tim da postupak finansijske konsolidacije ne može trajati duže od **tri godine**.
- (4) Odluka iz stava 1. ovog člana dostavlja se Poreznoj upravi Federacije Bosne i Hercegovine, nadležnom sudu i drugim nadležnim organima.
- (5) Ukoliko društvo sa većinskim učešćem državnog kapitala koje se konsoliduje ne započne izmirivati sve svoje tekuće finansijske obaveze u roku 60 dana od dana donošenja odluke iz stava 1. ovog člana, nadležni organ vlasti donijet će odluku kojom stavlja van snage svoju odluku o finansijskoj konsolidaciji tog društva sa većinskim učešćem državnog kapitala.
- (6) Ukoliko na osnovu podnesenog zahtjeva iz člana 7. ovog zakona utvrdi da nisu ispunjeni uvjeti za provođenje postupka finansijske konsolidacije, nadležni organ vlasti donosi odluku o odbijanju zahtjeva za pokretanje postupka finansijske konsolidacije.

izmijeni tako da se, u članu 8. stav (3). Zakona, riječi: „**tri godine**“ zamjenjuju se riječima: „**10.07.2019. godine**“.